

## **Agjencia Shqiptare e Sigurimit të Depozitave –II**

**Shteti:** Shqipëri

**Numër Projekti:** 52468

**Sektori i Biznesit:** Kredi jo-depozituese (jo bankë)

**Lloji Njoftimit:** Shtetëror

**Kategoria mjedisore:** Institucion Financiar

**Data e synuare aprovimit:** 10 Mars 2021

**Status:** I Aprovuar

**Publikimi i DSP:** 12 Mars 2021

### **Përshkrimi i Projektit**

Sigurimi i një kredie në gadishmëri për Agjencinë Shqiptare të Sigurimit të Depozitave (ASD) me shumë deri në 100 milionë Euro, e cila do të jetë në dispozicion për 2 vite dhe plotësisht e garantuar nga Qeveria Shqiptare. ASD do të mund t'i përdorë këto fonde sipas kushteve të paracaktuara me qëllim të vënies në dispozicion të tyre dhe mund të kryejë pagesa ose transferta për depozitat e siguruara në përputhje me ligjin shqiptar.

### **Objektivat e projektit**

Projekti do t'i mundësojë ASD-së qasje në një burim të përshtatshëm financimi në raste emergjente, në mënyrë që të ruhet besueshmëria e lartë në sektorin financiar dhe të sigurohet një mbrojtje efikase dhe e besueshme për depozituesit në Shqipëri.

### **Impakti i tranzicionit**

ETI 70

Ndikimi i tranzicionit i pritshëm i këtij projekti rrjedh nga kontributi i tij në cilësitë e tranzicionit për Qëndrueshmërinë dhe Mirëqeverisjen:

Projekti do të kontribuojë në cilësinë e Qëndrueshmërisë përmes vendosjes në përdorim të financimeve emergjente, të cilat do të rrisin aftësitë e ASD-së në përballimin e ndonjë dështimi të mundshëm të një banke apo shoqërie kursim krediti në kuadër të krizës së COVID-19 dhe të vazhdojë të ruajë besueshmëri të lartë në sektorin bankar shqiptar.

Projekti do të mbështesë gjithashtu cilësinë e Mirëqeverisjes përmes një programi gjithëpërfshirës të asistencës teknike të përqëndruar në forcimin e kapaciteteve operacionale dhe të qeverisjes së ASD-së duke automatizuar plotësisht procesin e kompensimit, duke modernizuar sistemin e brendshëm të raportimit dhe për prezantimin e një modeli të përlllogaritjes së primit të bazuar në diferencimin e rrezikut.

### **Informacion mbi klientin**

Agjencia Shqiptare e Sigurimit të Depozitave

ASD u themelua në 2002 si një institucion i pavarur publik me miratimin e Ligjit për Sigurimin e Depozitave. ASD ka një strukturë drejtimi me dy nivele, e përbërë nga një Këshill Drejtues dhe Drejtori i Përgjithshëm i Agjencisë. Këshilli Drejtues përbëhet nga pesë anëtarë.

### **Shuma e Financimit të BERZH**

EUR 100,000,000.00

### **Kosto Totale e Projektit**

EUR 100,000,000.00

### **Përmbledhja Sociale dhe Mjedisore**

Institucion financiar i kategorizuar (ESP 2019). Ky është një transaksion për Mbrojtjen e Depozitave me një klient të mëparshëm, ASD.

Duke qenë se nuk ka impakt negativ mjedisor dhe social që lidhet me sigurimin e depozitave, sistemet e menaxhimit mjedisor dhe social sipas Kriterit të Performancës (KP)9 nuk kërkohen. ASD-së do t'i kërkohet të jetë në përputhshmëri me Politikën e M&S 2019, posaçërisht me Kriteret 2 dhe 4 dhe të përditësojë në këtë kontekst procedurat e saj ekzistuese nëse është e nevojshme. Klientit do t'i kërkohet të raportojë çdo vit për çështjet mjedisore dhe sociale, me një fokus kryesor në raportimin e KP 2 dhe 4.

### **Bashkëpunimi Teknik**

Një Program i Bashkëpunimit Teknik (BT) i përbërë nga dy programe të dedikuara të BT do të mbështesë ASD-në në (i) modernizimin dhe automatizimin e procesit të kompensimit dhe administrimit të ankesave përmes përmirësimit dhe zgjerimit të Sistemit Informatik të saj të Mbledhjes së të Dhënave dhe Raportimit dhe (ii) zhvillimin e kapaciteteve të brendshme për prezantimin e një modeli për përllogaritjen e primit bazuar në diferencimin e rrezikut.

### **Vlerë e shtuar**

Vlera e shtuar krijohet përmes strukturës së financimit, parandalimit të riskut dhe njohurive, inovacionit dhe rritjes së kapaciteteve. Projekti do të mundësojë financim emergjent në rast nevojë me një vlerë të konsiderueshme dhe strukturë specifike. Projekti parandalon riskun ekonomik dhe risqeve specifike të vendit duke i dhënë besueshmëri sistemit financiar, si edhe duke siguruar kryerjen në kohë të procesit të kompensimit të depozitave nëpërmjet elementëve të BT për përmirësimin e kapaciteteve operationale dhe aftësive.

### **Kontakti i Klientit**

Arben Beja  
abeja@asd.gov.al  
+35542326989  
www.asd.gov.al  
Rr. Elbasanit, Pallati Edil Al # It, No 317 Tirana, Albania

### **Ndikimi në Tranzicion**

Për informacion të mëtejshëm lidhur me qasjen e BERZH ndaj matjes së ndikimit në tranzicion mund të lexoni [këtu](#).

## Mundësitë e biznesit

Për mundësitë për biznes ose prokurim, kontaktoni shoqërinë kliente.

Për mundësi biznesi me BERZH (që nuk lidhen me prokurimin) kontaktoni:

Tel: +44 20 7338 7168

Email: [projectenquiries@ebrd.com](mailto:projectenquiries@ebrd.com)

Për projektet në sektorin shtetëror, vizitoni [Prokurimet e BERZH](#):

Tel: +44 20 7338 6794

Email: [procurement@ebrd.com](mailto:procurement@ebrd.com)

## Pyetje të përgjithshme

Mund të bëni pyetje specifike duke përdorur [Formularin e pyetjeve të BERZH-it](#).

## Politika Mjedisore dhe Sociale (PMS)

[PMS](#) dhe Kriteret e Performancës (PR) përcaktojnë mënyrën se si BERZH zbaton angazhimin e saj për promovimin e “zhvillimit të shëndetshëm dhe të qëndrueshëm mjedisor”. PMS dhe PR përfshijnë dispozita specifike në mënyrë që klientët të veprojnë në përputhje me kërkesat e zbatueshme të legjislacionit kombëtar për informacionin dhe këshillimin publik, si dhe të ngrenë mekanizmat e ankimit për të adresuar dhe lehtësuar zgjidhjen e shqetësimeve dhe ankesave të palëve të interesit, veçanërisht sa i përket përgjegjësisë mjedisore dhe sociale të klientit dhe projektit. Në raport të drejtë me natyrën dhe shkallën e riskut dhe ndikimit mjedisor dhe social të projektit, BERZH i kërkon klientëve të publikojnë gjithashtu informacion, sipas rastit, mbi risqet dhe ndikimet e projektit ose të kryejnë këshillime gjithëpërfshirëse me palët e interesit dhe të marrin në konsideratë e t'i përgjigjen reagimit të tyre.

Më shumë informacion mbi praktikën e BERZH në këtë aspekt jepet në [PMS](#).

## Integriteti dhe Përputhshmëria

Zyra e Krye Oficerit të Përputhshmërisë (OCCO) së BERZH promovon qeverisjen e mirë dhe siguron zbatimin e standardeve më të larta të integritetit në të gjitha veprimtaritë e Bankës, në përputhje me praktikën më të mira ndërkombëtare. Të gjithë klientëve e Bankës duhet t'u nënshtrohen kontrolleve të integritetit për t'u siguruar që projektet nuk paraqesin rrisqe të papranueshme integriteti apo reputacioni për Bankën. Banka beson se identifikimi dhe zgjidhja e problematikave gjatë fazave të vlerësimit për miratimin e projektit, është mënyra më efektive për të siguruar integritetin e transaksioneve të Bankës. OCCO luan rol kyç në këto përpjekje mbrojtëse dhe gjithashtu ndihmon me monitorimin e rreziqeve ndaj integritetit në fazën e pas investimit në projekt.

OCCO është gjithashtu përgjegjëse për verifikimin e akuzave për mashtrim, korrupsion dhe shkelje në projektet e financuara nga BERZH Kushdo, qoftë pjesë apo jo e Bankës, që ka dyshime për praktikën mashtrimi apo korruptive duhet të paraqesë një raportim me shkrim në adresë të Krye Oficerit të Përputhshmërisë përmes postës elektronike tek [compliance@ebrd.com](mailto:compliance@ebrd.com). Të gjitha çështjet e raportuara do të ndiqen nga OCCO. Të gjitha raportimet, përfshirë ato anonime, do të shqyrtohen. Raportimet

mund të bëhen në çfarëdoq gjuhe të Bankës apo të vendeve ku Banka vepron. Informacioni i dhënë duhet të jepet në mirëbesim.

### **Politika e Qasjes në Informacion (PQI)**

PQI përcakton mënyrën se si BERZH e shpalos informacionin dhe këshillohet me grupet e interesit për të nxitur ndërgjegjësimin dhe të kuptuarit më të mirë të strategjive, politikave dhe operacioneve të veta pas hyrjes në fuqi të saj më 1 janar 2020. Ju lutemi vizitoni faqen e [Politikës së Qasjes në Informacion](#) për t'u informuar mbi informacionin e disponueshëm në faqen e BERZH.

Kërkesat për informacion të veçantë mund të bëhen duke përdorur [Formularin e pyetjeve të BERZH](#).

### **Mekanizmi i Pavarur për Përgjegjësinë ndaj Projektit (MPPP)**

Nëse përpjekjet për të trajtuar shqetësimet mjedisore, sociale, apo të bërjes publike me Klientin apo Bankën nuk kanë rezultat (p.sh., përmes mekanizmit të ankimimit në nivel projekti të Klientit, ose përmes kontaktit të drejtpërdrejtë me ekipin drejtues të Bankës) individët dhe organizatat mund t'i trajtojnë shqetësimet e tyre përmes Mekanizmit të Pavarur për Përgjegjësinë ndaj Projektit (MPPP) të BERZH .

MPPP shqyrton në mënyrë të pavarur problematikat e Projektit që mendohet se kanë (ose mund të shkaktojnë) dëme. Qëllimi i mekanizmit është të: mbështesë dialogun midis palëve të interesit të Projektit për të zgjidhur problematikat mjedisore, sociale dhe të publikimit të informacionit; të përcaktojë nëse Banka vepron në përputhje me [Politikën Mjedisore dhe Sociale](#) apo dispozitat specifike për Projektin të [Politikës së Qasjes në Informacion](#); dhe nëse gjen zbatim të trajtojë çdo devijim nga këto politika, duke parandaluar kështu edhe çdo devijim apo mospërputhje nga ana e Bankës në të ardhmen.

Ju lutemi vizitoni faqen e internetit të Mekanizmit të Pavarur për Përgjegjësinë ndaj Projektit për të paraqitur një kërkesë për shqyrtimpërmes [formularit konfidencial në internet, me postë elektronike, postë apo telefon](#). MPPP është i gatshëm të diskutojë shqetësimet tuaja dhe t'i përgjigjet pyetjeve që mund të keni për ngritjen dhe trajtimin e kërkesave që ndjekin [udhëzimet](#) e [Mekanizmit të Pavarur për Përgjegjësinë ndaj Projektit](#). Identiteti i Palës që kërkon informacion mund të mbahet konfidencial sipas kërkesës.